



Thathok o eth o obek ol Kaviyak o akathi Locok Dook.

Keengthi ci Zozok o Modo o kazi

Yuween wabak Looce o ool o Kolik iniko Kabyi Naaga Kazi (UNMISS)

**Murle Version: Please note this is not an official translation. It is provided as a courtesy translation ONLY. The authoritative copy is the English version of the Press Release.**

25-6-2012

### **Kaviyaak ci akaathi Oroon o ool Wabaak Looce o kaazi Jongolei**

Obortha Waanico Alaata wagaam yunamis Looce o ool o koolik Sudana Ngina keengthi ci Oroon ci oroone ool wabaak looce o kaazi Jongolei baal adangni ool ceen kaboth ki kaboth irkithe baal ako e kibeen buk irkithe ci ngaan awo nooko.

Mazi giye ci akathi oroon ci baal akanai Jongolekti Noko , etheyedit ool waga Weregenya, kibeen ool wangamnek giden ci agidi ool ogen gonogi Lotha ngina, keengthi ci baal akanaan zozowa ci oroontho nook ze ma aruum weregenya kengthi 45 ethraam ki thur ci aroongane ool golok ci adicaan jore nici.

Ma giye nico, azi Alaani wagam yuween looce ci ool o koolik sudano ngina, kaazi zaar ne Hilde F. Johnsn ne Maa ka kidicaai zoz ci akathi oroon ci Jongolei o leei abon koca kanyaak ool ci baal adola gi ci aruumzi ool kadayitho o ngin o ronnyo. Maa kagoon Noko aku kooça ganoni looc. Azi bodo Alaani ne, kababan weregenya ci kayeeda noko anyaa tingere ganoon ki bayiz yak oole ci abaak Jongolekthi Noko.

Maa kaviyaak nicoko, ayeed Maktabi o yuwenu o goon agaam linglingoon o abeeyi moden oggi ci amomoz ool Lotha ngina ki maktab o akumawo goon abeek moden ci ooro vitanane ogeen. Ma kaviyawa ci ayeedi weregenyai noko, oob kengthi ci kanaan ci ooroon baal ingani kabotha ki kaboth o ool o kazi low avo akani Murle irkith baal ako e looce uneeng kazi Ngangolthin goon bodo kawo kane Pibor O.

Ma oroonowa nicigi dook akanai giye ci avoo goon ool ceegi apan ool koko looce uneeng kiyo baale avo akaath Murle low ma adai ool ci meel looce o kazi Pieri Nyelowe ween thurge irkithe nico e. Bodo buk waanice akathaai oroon cape oooth inya 12 looce o Murlo adola loowa Ki Dinka o Boru ma adai ool ce meel ger. Zozowa nicigi dook ayeedi leei.

Eteyedit zin ool o maktab o yuwenu kazi UNMISS dayizok ki ool ci akoloni oroonthe baal apani loowa Murle laak ram dook looce uneng e. Ane een ool ci adaai kabot raam ki oll thur 276 een oll ci akoloni kaboth thorkonom ki oll wech 612. Nicigi dook matiz ci anyaa jore irkithe nico. 2012. Anyak buk wanice dool ci agorze ki ngaai ci meel been

buk oll ci adikir been buk Mathuo been buk ool nginthe appe waanice akoloni. Mazi giye nice awo yuween akuma ka kirronit zoosok ci orrone oll Jongola o kidicai ma buk abon apayek ool ci arumuz ool kadayitho o dayis kicinit ool dook.

Waanice alaata o alingling giye ci akathi maatiz ci eth ci deer Lootha ngina, awo jee thiyaryete anganneek dayis ki maatiz ci ool ci akoloni Balala noko awucneek nogo orrooth. Anyak waanice dayis cappe ceezi thathoknya dook Murla ki loowi buk. Wanice yuween Ithon ool ogiin kooth keela ool oroontha kibeek thakirnya o coolai ruum een akuma wagam looc nginanthe e. eelyai waanice nun ool ogeen ngangolthina, Pibora.

Maa giye nico, adayitho ool nginimaan giye ci baal ngan kivithai thakirnya kelai ool thaman o, maje yuween wanice udukaak noogo ingan oroon kakathai e. Ma yuween waanice obteek ool keeng ci alang niigi anim koorthi Modo o eeci ngaan ganuni uneeng kothongak noogo gool ci ka korthi ool ladun, mayo nuun wanice adai ool ci meel o akom niigi gi ci ka kutuguzo ithene nice been neen.

Ngina awo yuween alaata o agaam akuma o ool o kolik looce o sudano ngina aneek ne illa ool ugoo many irroonit kaal ci abacoon ool Jongola o idica kathaman ka kanyak Looci ganoon calang akano dolya cugoo o been leei tingere. Bodo buk zoosok ci baal alothi ool thoreeth noko abon een zoosok ci agooni goole ci agama ool dook, gole ci aganis ool yak.

— \* —

Kaviyaak Nicoko ayeed Maktabi o yuwenu Looce o sudano Ngina.  
<http://unmiss.unmissions.org/Default.aspx?tabid=4969&language=en-US>

For further information or media enquiries please contact:  
UNMISS Spokesperson  
Tel.: +211 (0) 912 06 2554 or Mobile: +211 (0) 912 150 847